

dicionado na bo
Instala Aireacon-
cas AWOR!



Tel. 2170

ARUBA ANSE COURANT



Diario



pa Aruba



ANJA 22

DIASABRA 20 DI AGOSTO 1960

Nr. 3816

Conseho di seguridad ta reuni awe pa descuti situacion na Congo

NEW YORK, 19 aug. — Conseho di seguridad lo reuni dia sabra pa discuti situacion na Congo atrobe, asina a worde informa na New York. Secretario-general Hammarskjöld a duna e delegacionnan dje paisnan, representante den conseho di seguridad y e paisnan cu a duna solda pa e ejercito internacional na Congo, un rapport tocante e incidentenan entre militarnan Canadiense y Congoles na e aeropuerto di Leopoldstad. E incidentenan aki y algun otro ta un indicacion, con situacion lo ta na Congo, si e soldanan di nacionnan uni no por haci nan trabao, asina Hammarskjöld a bisa.

Teksto di rapport lo worde publici awe tardi.

Parce cu Hammarskjöld a avisa e miembronan di Conseho di Seguridad, cu e actividadnan dje ejercito di Nacionnan Uni na Congo lo bira "imposible", si situacion na Congo no mehora. Fuentenan normalmente fidedigno a informa cu e aviso aki tabata skirbi den un nota, dirigi na e miembronan di Conseho di Seguridad,

despues cu e secretario general a ricibi un rapport completo dje incidentenan di diadomingo mainta na aeropuerto di Leopoldstad. E secretario general aparentemente ta hantia cu e situacion ta "hopi grave".

Soldanan di Nacionnan Uni a hantia orden pa tira

E soldanan di Nacionnan Uni, cu ta na guardia na aeropuerto di Leo-

poldstad, a hantia orden pa tira si ta necesario; e soldanan, particularmente solda di Ghana y di Sudan, a cobi trinchera ajera y a buta waja rond dje edificio y hangeran dje aeropuerto.

Dr. Bunche, kende ta dirigi personal di Nacionnan Uni na Congo, durante ausencia di secretario general Hammarskjöld, a trata en vano ajera, di papia cu prome ministro Lumumba.

Na aeropuerto di Leopoldstad e bandera di Nacionnan Uni ta bula for dje toren di trafico atrobe. E bandera a worde kita siman pasa, na sali da dje soldanan sueco na Katanga. Ajera tardi tabatin 1.200 solda di Ghana y Sudan (na Africa mes) rond

dje aeropuerto di Leopoldstad. Un portavoz di Nacionnan Uni a bisa, cu un batalion di solda di Marocco a worde jama bek Leopoldstad for di parti noro di Congo, en relacion cu e incidentenan na e aeropuerto.

Tantu Hammarskjöld como prome ministro Diefenbaker di Canada, a presenta un protesta severo tocante loke a socede cerca Lumumba.

Debate riba Congo den camara na Belgica

Despues di debate cu a sigui un discusion di 2 dia, dje suesonan na Congo, camara di representantenan di Belgica a aproba cu 115 voto pro, 82 contra y 6 abstencion. Miembronan di oposicion socialista a vota contra.

SRA. HARTOG AWE NOCHI VIA WERELDOMROEP

ORANJESTAD — Segun Radio Nederland Wereldomroep a informa nos sra. Elisabeth Hartog lo tene awe nochi, 20 agosto, via e Wereldomroep un lectura riba Haiti, na cual isla recientemente el a haci un bishita. E lectura ta cuminsa pa och'or y cinco di anochi mientras cu e obheto lo ta Voodoo. E lectura ta hiba como titulo: "Als de trom roept".

CORANT DI OPOSICION PROHIBI

LOPOLDSTAD, 19 aug. — Gabriel Makoso, hoofdredacteur dje corant congolés "Courrier d'Afrique", kende a hantia su libertad antajera, a worde arresta atrobe awe. E "Courrier d'Afrique", cual corant ta mantene un oposicion contra prome ministro Lumumba, a worde prohibi di sali. E unico corant cu ta sali na Leopoldstad ainda, ta e corant "Congo".

Lionel y Charles a conoce Aruba tambe



ORANJESTAD — Ora cu Hr. Ms. "Van Amstel" a mara na laat ayera tardi for e tabatin dos hoben pasahero abordo, kendenan na luna di juni di e anja aki a haci number basta menta na Isla Riba y aki banda.

Luitenant ter Zee der 1e klasse C. E. J. Heitz di e bapoy nos a na baba for di e trapi cu dos mucha homber non dasa na su man y entreganan na senyor P. F. W. Prior, e representante di distrito na Aruba pa K.L.M.

Ta trata di dos mucha homber di 14 y 12 anja cu tabatin e balor di a haci algo cu talvez poco mucha di nan edad por a purba haci.

Nanomber ta Lionel Payne di 12 anja y Charles Meyers di 14 anja. E combornan ta pose nos corda mesora riba e dos mucha hombernan cu na luna di juni di e anja aki a haci nan mes un heroe ora cu nan a bula den lammar bruto na St. Maarten y salba un otro mucha di un morio sigur ora cu e a worde ataca pa un gar-fish.

Compania di aviacion K.L.M. e ora ey a dicidi na premia e acto heroico di e muchanan aki y a regala nan un vinha di cuater dia pa Corsow y Aruba. Den compania di sr. Prior nan a bishita den e corto tempo aki Aruba Caribbean Hotel, keiro door di e enajnan di Oranjestad y despues nan a larn da na Basiruti. Pa cinco y mei ayera

Sr. Prior di K.L.M. hunto cu e dos guaponan Lionel y Charles na nan jengada.

tardi mes nan a bula cu avion pa Corsow, na unda e mesun anochi ey nan a presenta na T.V. Por lo demas tin algun otro programa interesante ta spera nan prome cu nan regresa dialuna cuata pa St. Maarten.

GEZAGHEBBER A REGRESA

SCHIPHOL, 19 augustus. — Gezaghhebbber M. P. Gersira di Corsow, a regresa pa Corsow, despues di a pasa casi un luna na Hulanda, na unda el a discuti e plan di 10 anja pa turista na Corsow, extension dje aeropuerto y mehoracion dje entrada di haf, y tambe extension dje fabrica di awa na e isla.

Senyor Gersira a declara prome cu el a bai, cu e ta spera, cu e discusionnan lo ta un bon resultado. El a bisa sin embargo cu den e fase aki e no por haci un declaracion definitivo tocante e resultado aki. Na Willemstad senyor Gersira lo discuti e asunto cu bestuurscollege prome.

Hunto cu e Gezaghhebbber a sali for di Hulanda sr. J. Ellis, secretario di Eilandsraad di Corsow, kende tambe a pasa algun tempu na Hulanda pa tene discusionnan di dienst.

Algun di e padvindernan di e drumband di Corsow. Bishita di Drumband di N.V.P. Corsow

ORANJESTAD — Abordo di e stationship Hr. Ms. "Van Amstel" a jega nos isla ayera tardi for e miembronan di e drumband di N.V.P. District Curacao. E padvindernan aki cu ta huestad di e gruponan di N.V.P. na nos isla lo pasa e week-end na Plantage San Isidro di sr. Doli Luidens na Bubali.

Un programa ya a ser prepara pa nan y awe mainta mes pa 8.30 nan a cuminsa cu un tour door di Lago Oil & Transport Co. Despues di Lago e padvindernan curazonenjo lo coge caminda pabau y nan lo bishita e fabrica di awa na Bafashi y Hydroponics farms na Paradisj. Cuat'or di atardi e parada grandi lo cuminsa for di troephuis di N.V.P. den Awakatistraat sigi pa G. Madurostraat, L.G. Smithboulevard, M. Christinastraat, Irenestraat, Wilhelmstraat, Kazernestraat, Nassaustraat, Adr. Laele boulevard, G. Madurostraat pa e punto final N.V.P. troephuis.

Och'or e mesun anochi aki nan lo tene un grandioso tapioe dilanti eus di gezaghhebbber sr. F. J. C. Beaujon den Mar a Christinastraat. Diadomingo e actividadnan mas parti ta tuma lugar na San Nicolas and na lo tene un parada pa diez'or di mainta, cu rond-

PROBABLEMENTE LO BINI REINA PA FERIA DI NOORD

NOORD — For di e organisadornan di e Feria Famosa na Noord nos a hantia tende cu e resultado di e feria tabata asina bon sima cu e eaba, cu no a costa ningun premio pa e week-end aki. Remo cu nan ta spera e mesun resultado aki awe y majan anochi e organisadornan a bolhe cunpa algun cien florin mas na premio. Tambe nan tin un sorpresa ta warda e bishitantenan. Un stand nobo cu no ta costa nada y na unda tin chens riba premionan gratis.

Ta mui probable tambe cu awe nochi nan eumirta cu eligimien di un reina di feria. Esaki lo bira pues anto e promer Miss Feria di Noord.

rit over di e isla po dos'or di merdia y na cual ocasion nan lo bishita Aruba Caribbean Hotel y por ultimo e anochi 8'or un tapioe den Lago Sport Park. Cu esaki tambe ta jega un fin na estadia di e padvindernan curazonenjo baw direccion di A.D.C. sr. J. S. R. Getrouw.

Dialuna mainta nan lo regresa Corsow abordo di e mes "Van Amstel".



Solamente cosnan hanja
y perdi

ORANJESTAD — Cerilio Barrett di Kenepastraat 2 a hantia un luz di auto di atras den Havenstraat.

L.V. Britten di Boliviastraat 3 a hantia un hiri di lesa cu montura pretree.

S. Maduro biba na Macurina 164 a hantia un feneta di pronk den Nassaustraat.

J. J. Uiterwaal a perde su zakagenda.

Fabia Geerman a perde 4 pida biljechi No. 11601.

FATUM — Tel.: 1845
Pa tur bo aseguronan

15 ANJA PA POWERS!

MOSCU, 19 augustus. — E fiscal den e proces Power na Moscu, Ridenko, a exigí 15 anja di castigo di prison pa Francis Powers, e piloto mericano, kende su avion a worde destrui over di Rusia, mientras cu e tabata haci un vuelo di espionaje. Publico a reaccion cu un orkan di aplauso pa e castigo di Powers. E requisitor a dura un ora y mei.

Trece bo receta di Bril

Awe mainta..

y e ta cla

Awe tardi..

Herter a condena regimen actual di Santo Domingo

SAN JOSE, 19 aug. — E ministro Mericano di asuntonan exterior, Herter, a tene un discurso na e conferencia di ministro-nan di asuntonan exterior dje republican Mericano, den cual el a condena e regimen actual na Sto. Domingo.

Sin embargo Merca no ta desea pa e paisnan dje Organizacion di Estadonan mericano kibra nan relacionnan diplomatico y economico cu Santo Domingo, manera Venezuela ta desea. Herter a bisa cu e conferencia mester insisti fuertemente cerca gobiernu di Santo Domingo, pa tene eleccion liber na Santo Domingo, baw di supervision dje Organizacion di Estadonan Mericano. Si Santo Domingo nengun esey, e conferencia lo tene discusion pa husea un manera pa oblighe, segun e pacto di Rio de Janeiro tocante ajudo mutuo.

Awor cu Merca tambe ta kere cu Santo Domingo ta culpable di cons-

piracion, observadornan diplomatico ta di opinion cu gobiernu di Trujillo no por keda sin hantia cuakier sorto di castigo colectivo dje paisnan mericano.

Otro siman nan lo discuti e conflictionnan entre Cuba y Merca. Min'stro Herter no a contesta e acusacionnan di Cuba. El a observa solamente cu e discurso di su colega cubano ta pone corda actuacion dje delegadonan ruso.

No obstante e diferencia de nactitud di Merca y actitud dje paisnan suramericano durante e debate di ajera tocante e pasonan cu mester tuma contra Santo Domingo, ta parce cu nan lo hantia un solucion pronto.

E ministro colombiano, Julio Cesar Turbay, a rechaza e proposicion dje ministro mericano Herter, pa pidi Sto. Domingo pa aproba eleccion liber dentro di 3 luna na Santo Domingo, baw di supervision di un comision "ne-cial dje Organizacion di Estadonan Mericano. Turbay, kende ta actua mas o menos como portavoz dje paisnan suramericano, a observa cu doel dje reunion ministerial tabata pa tuma cierto medida y no pa haci recomendacion sol.

Commandant Vlothuizen pa prome vez na Aruba

ORANJESTAD — Tambe a jega abordo di e stationship Hr. Ms. "Van Amstel" ayera e commandant nobo di dicho bapoy Luitenant ter Zee der 1e klasse T. Vlothuizen. Despues di e salodonan tradicional door di major di marinierman G. P. Giesberts y otro oficialnan di marinerskamp Savaneta na jengada, e commandant nobo di Van Amstel a tene pa 7'or di anochi un recepcion chikito pa invitadonan cera conoci cuniele. E marinierman di Savaneta a percur pa un interesante programa pa e tripulantenan durante e week-end.

Nan ta cuminsa diasabra mainta cu un gira over di e isla, un lunch desdoso for di merdia pa oficial y sub-oficialnan di "Van Amstel" den e longroom na Savaneta. Awe nochi 8'or tur lo ta

presente den e cantina pa mira e cabaret cu ta worde presenta door di e marinierman local combina cu e kabaret-gezelschap cu a bini cu Van Amstel, y pa despues hantia te den horanin di marduga.

Tambe e anochi aki e oficialnan di Van Amstel ta bonhini den Tivoli Club durante e debutantenbal.

Pa diadomingo nan tin riba programa un gira over di e isla pa e cabaret-gezelschap. Dialuna mainta 9'or Van Amstel ta coge rumbo pa Corsow atrobe.

E commandant nobo di Van Amstel luitenant ter Zee der 1e klasse, T. Vlothuizen, hunto cu luitenant ter Zee der 1e klasse C. F. J. Heitz.



FUTBOL

ARUBA VOETBAL BOND

ta presenta

AWENOCU 20 DI AGOSTO PA 7.30 P.M.

den

WILHELMINA STADION

SAN NICOLAAS JRS. vs. R.C.A.

(Hoofdklasse)

ENTRADA: Fl. 1.—

PA 4.00 P.M.

UNION vs. TRAPPERS

(A-klasse)

ENTRADA: Fl. 0.50

DIADOMINGO 21 DI AGOSTO PA 4.00 P.M.

BUBALI S.C. vs. S.C.A.

(A-klasse)

ENTRADA: Fl. 0.50

PA 4.00 P.M.

den

SPORT CENTRUM NOORD

TROPICAL S.C. vs. RIVERPLATE

(A-klasse)

ENTRADA: Fl. 0.50

DOS MUCHA CU UN KAARTIJ

FUTBOL

BASEBALL!



WILHELMINA STADION

DIADOMINGO PA 10.00 A.M.

ORANJEBOOM vs. MARLBORO

(A-klasse)

Entrada Fl. 1.— y Fl. 0.50

Damas gratis.

VERWIJDER HET VET

Wanneer vet Uw figuur ontlast of U voortdurend maakt en Uw gezondheid in gevaar brengt zal het voor U gemakkelijk zijn een half pond per dag in gewicht te verminderen met de nieuwe Hollywood methodie, genaamd Formido. Deze draait zich om de ontlasting. Volkomen ongevaarlijk. Vraag Uw apotheker naar Formido en begin morgen met Uw verminderingsskour.

Aseguro di viejez lo drenta prome september

Gobierno di Antillas Holandes a anuncia cu e Ordenanza Nacional tocante Aseguro General di Viejez lo drenta na vigor Sept. 1, 1960. E ordenanza ta furni pension pa persona nan elixible ora nan vega sesenta aña di edad. En general, personanan elixible pa recibí e pension aki ta inclui residentenan di Antillas Holandes y otroan cu a bña den Antillas Holandes durante a lo menos seis aña despues di alcanza cincuenta y nuebe aña di edad.

E penson mensual cu ta worde paga na pareja casa ta \$95. Personanan soltero ta recibí \$55 pa luna.

Pa obtene fondo pa e programa di pension di viejez, un belasting lo worde impo ariba personanan cu ta traha y otroan cu tin entrada di a lo menos \$900 pa aña. Empleadonan ta worde requeri pa paga un gran parti di e belasting aki. Como empleador, Lago lo paga un suma igual na 2 por ciento di ganamento di cada empleado te un entrada maximo di \$500 pa luna pa obhecton di belasting. Cada empleado, en turno, ta requeri di paga 1-1/2 por ciento di su ganamento mensual te na e maximo. En otro palabra, ariba ganamentonan en exceso di \$500 pa luna of \$6,000 pa aña no tin mester di paga premio.

Na Lago, e porcion di e premio cu mester worde paga door di empleadonan, 1-1/2 por ciento, lo worde kifa for di \$20. Sin embargo, segun a keda combini cu LEC durante reciente negociacionnan di contract, empleadonan cu ta desea di haci pago pa medio di lantamento di placa for di nan cuenta di Thrift Plan por haci esey firmando un formulario cu ta disponible na Porta Mayor.

Tuma Credito

Como resultado di pagamento di 2 por ciento di e belasting menciona brevemente, un empleador cu tin un plan di pension por tuma credito pa un parti di e pension di gobierno den calculacion pa yega na e cantidad total cu mester worde paga na e empleado for di plan di pension di e empleador. Pesey, pensionnan paga of cu mester worde paga door di Lago lo worde ahusta proporcionalmente na tal ora cu un recipiente hira eligible pa pension di gobierno. Ahustamento lo no worde haci na esnan cu no ta eligibles pa e pension di gobierno.

Den determinacion di e suma di ahustamento cu mester worde haci den pension di un annuitante, solamente e parti di e pension di gobierno representa door di e belasting di 2 por ciento ta worde considera. Un recipiente di Lago kende ta bña den Antillas Holandes ta hanja derecho a e belasting di gobierno na edad di 65 aña. E ora anto el lo ta recibí pension for di dos fuente. Lago y gobierno. E pension di gobierno ta worde paga door di e 2 por ciento di belasting for di Lago y e 1-1/2 por ciento di belasting ariba empleadonan. Lago anto ta tuma credito pa su parti di e pension di gobierno y ta reduci e pension di die di acuerdo. Sin embargo, como credito no ta worde tuma pa e parti di e pension di gobierno cumra cu e 1-1/2 por ciento di empleadonan, e efecto neto den tal caso ta un entrada total mas halto na e pensionista. Den e mesun caso un pensionista di Lago lo recibí menos cu e pension total acumula na su credito segun e Plan di Pension y Thrift Plan di Lago.

(Tuma for Aruba Esso News)

HBU

Ook voor U: de HBU

HOLLANDSCHE BANK-UNIE N.V.

WILLEMSTAD - TELEFOON 11346
ORANJESTAD - TELEFOON 1200
SAN NICOLAAS - TELEFOON 6090

Peligro di inundacion na Vientiane

VIENTIANE, 19 augustus. — Embahada mericano na Vientiane, Laos, a duna orden awe pa evacua tur ciudadano mericano for dje ciudad cu conexion cu e peligro di inundacion, cu ta amenza Vientiane. E awa dje

rio Mekhong ta subi mas y mas y e rio lo kupa e partinan dje ciudad cu no ta alto. Nan a calcula cu tin 200 mericano na e ciudad.

Consentimiento condicional di Merca

WASHINGTON, 19 aug. — Minis-

terio mericano di asuntunan exterior a anuncia, cu Merca a consenti condicionalmente, pa duna gobierno di Ghana un total cantidad di 30 million dollar, pa fiancia e plan pa e rio Volta. E anuncio ta bisa cu e condicion ta, cu gobierno di Ghana mester hanja un arreglo satisfactorio cu e donjor dje fabrica di aluminio, cu nan kier traha den vecindario, y pa e placa cu e ta necesita pa caba di realiza e plan, cu lo costa 1/4 million dollar.

KAN INC.



a new adventure in time



Zodiac Sea Wolf

Perfect for skin divers... perfect for you, the newest Zodiac Sea Wolf has now been tested to an amazing undersea depth of 660 ft. It's super-waterproof, self-winding and ultra smart —

The adventurer's watch... in or out of the water!

World Service and Guarantee
Zodiac Watch Company,
Le Locle, Switzerland

In USA: Zodiac Watch Company,
15 W. 44th Street,
New York 36, N. Y.

Sole agent in Aruba:
KAN INC.
Jewelers

De Veer Theatre

Friday 26th — Saturday 27th — Sunday 28th — Monday 29th — Tuesday 30th
Wednesday 31st — Thursday 1st — Friday 2nd — Saturday 3rd — Sunday 4th
Monday 5th — Tuesday 6th — Wednesday 7th — Thursday 8th AT 8.00 P.M.

Sunday 28th Matinee at 3.00 P.M.

Admission price for children Fls. 2.00

THE MOST EAGERLY ANTICIPATED EVENT IN ENTERTAINMENT HISTORY!



Cecil B. deMille's
PRODUCTION

The Ten Commandments

CHARLTON YUL ANNE EDWARD G. YVONNE DEBRA JOHN
HESTON · BRYNNER · BAXTER · ROBINSON · DE CARLO · PAGET · DEREK

SIR CEDRIC NINA MARTHA JUDITH VINCENT
HARDWICKE · FOCH · SCOTT · ANDERSON · PRICE

Written for the screen by AENEAS MACKENZIE · JESSE L. LASKY, JR. · JACK GARISS · FREDRIC M. FRANK
Based upon the HOLY SCRIPTURES and other ancient and modern writings · Produced by Motion Picture Associates, Inc.

A Paramount Picture · TECHNICOLOR · VISTAVISION

There'll be two intermissions to visit the Restaurant Trocadero
Fl. 3.00 ALL AGES ADMITTED

Fl. 2.00

Enjoy Life
with



The Champagne of Bottle Beer

A Genuine Milwaukee Beer, Miller High Life is Brewed and Bottled by the Miller Brewing Company ONLY... and ONLY in Milwaukee, Wisconsin.

NOW AVAILABLE AGAIN IN ARUBA!


ONLY Fl. 8.75 PER CASE (24 bottles)

HOME DELIVERY

Agents: A. M. LACLE
J. G. Emanstraat 59 - O'stad
Tel: 2137

Already available at:
**HOTEL EMBAJADOR - TROCA-
DERO - EAGLE BAR - RIO
BAR - RIO CLUB - DELI BAR
and MAI STORE!**

SOON IN OTHER GOOD PLACES!!



PA KITA CANSANCIO OVALTINE

WIJ ONTVINGEN WEER

EEN NIEUWE ZENDING

FREEMAN

HERENSCHOENEN

Prachtig van style — uitstekend van kwaliteit

Aruba Trading Company

Oranjestad - San Nicolas

Un Tónico Excelente
pa Sanger y
Nervio
Bebe **FERRIZAN**

Loque bo encarga AWE ta ser entrega
AWE MES na bo cas GRATIS
KEES GROCERY N.V.
Tel.: 1079 - 1918



para la leche
de mayor confianza
Ud. Necesita KLIM
...la mejor leche!



VITAMINA D
AGREGADA
Use 4 partes de agua
para 1 parte de KLIM
1 parte de KLIM
mezclase y tendrá
leche pura y sana
KLIM la mejor leche

**OFICINA MARITIMA
DE ARUBA**
Tel.: 1622
Conexión tur síman pa Curacao
y Bonaire pa carga
y pasahero.

Tel. 1637 Rondweg 49
**Bloemenhuis
ROZENoord**
pa

TUR DIA FLOR BIBU

Laga un experto haci bo trabao

GUARANTEED FLUFFY!
Uncle Ben's RICE

Nota di Nueva Zelandia na Rusia

WELLINGTON, 19 aug. — Gobierno di Nueva Zelandia a entrega un nota na Moscú awe, den cual e ta expresa su preocupacion tocante e critica di Rusia di e actuacion di secretario general Hammarskjöld di Nacionnan Uni na Congo. E nota ta referi na e declaracion ruso di dia 6 di augustus, den cual ta bisa cu e soldadnan di Nacionnan Uni na Congo no ta actua segun e decisionnan di Consejo di Seguridad, cu ta obliga e comando di Nacionnan Uni na Congo di actua en acuerdo cu gobierno congoles.

Gobierno di Nueva Zelandia a bisa den su nota cu e ta keda asombra, con un miembro permanente di Consejo di Seguridad ta critica Hammarskjöld, kende a pidi e consejo masha detalladamente pa instruccion, y kende ta actua solamente en acuerdo cu resolucionnan cu Rusia tambe a aproba.

Un boz pacifico di Indonesia

DIAKARTA, 19 augustus. — E portavoz di ministerio indonesio di asuntos exterior mayor Ganis Harsono, a informa diabiernes cu Indonesia lo no tin nada contra pa Inglaterra cuida interesnan di Hulanda na Indonesia.

El a bisa cu te ainda Inglaterra no a tuma tal paso cerca gobierno di Indonesia.

Dolonan Produci pa Acido den Stoma

Miles di persona ta sufi di dispepsia hiperacida, stoma zuur y otro incomodidad estomacal cu exceso di acido ta produci. E personanan aki mester puda bebe despues di cada comida milar dias di awa caliente cu un cucharadita di NEUTRACID.

Neutracid ta juda neutraliza e exceso di acido y di forma aki e ta juda bo digestion. Lo bo obtene alivio rapido di e pesadez y molestia estomacal aki cu ta molestia. Neutracid no ta un laxante. E ta masha agradable pa bo paladar.

NEUTRACID



SOLE DISTRIBUTORS
E. F. DEBROT INC.


R.C.A. y San Nicolas Jrs caracara cu otro awe noch

(Di nos redator deportivo)

San Nicolas Jrs lo sali awe noch
un blaha mas den defensa di su invicto,
siendo por cierto e unico equipo cu te



para platos
más nutritivos
Ud. Necesita KLIM
...la mejor leche!



Use 4 partes de agua
para 1 parte de KLIM
1 parte de KLIM
mezclase y tendrá
leche pura y sana
KLIM la mejor leche

Boda di Mavalda Croes y Felix Luidens



ORANJESTAD — Den iglesia San Francisco na Oranjestad diahuebs anochi 6'or y treinta a contrae matrimonio vta. Mavalda Theresita Croes y e caballero Felix Alberto Luidens, jiuinan respectivamente di sr. Frederico Croes y sra. Didi Croes—Croes, di Celciusstraat 13, Oranjestad y sr. Alberto Luidens—Boekhoudt di Rooi Ato 26, Paradera. E pareha a worde acompaña pa e

padrino y madrina sr. Jan van Gijn y sra. Alida Falconi y tambe pa tres bruidsjongens y tres simpaticas bridesmeisjes.

Despues di e ceremonianan religioso cu a worde efectua pa muy rev. pastoor Burgemeester e pareha, cu ta goza di masha aprecio den circulo di nan relacionnan social, a ofrece un cordial recepcion den salanan di Sociedad Bolivariana.

Durante e ocasion aki e casi 200 personanan presente a brinda un copa di champagne pa ventura di e joven pareha.

Felix y Mavalda, tur dos (y e unico) emplea na oficina di dentista dr. Gustavo (Dolfi) Oduer, a hanja felicidades di e.o. nan hefe (e doctor mencionado) y sr. deputado O. S. Henriquez, rev. pastoor Burgemeester y resto di presentenan. E pareha cu a ricibi e invitadonan di lo mas cordial a sali pa nan luna di miel y nos deseo ta cu esaki lo dura eternamente. Direccion di sr. y sra. Luidens-Croes despues di nan regreso lo ta Daltonstraat 2 na Oranjestad.



para conservar a
sus niños saludables
Ud. Necesita KLIM
...la mejor leche!



Use 4 partes de agua
para 1 parte de KLIM
1 parte de KLIM
mezclase y tendrá
leche pura y sana
KLIM la mejor leche

CUMPLIANJOS

Awe noch ta verloor e simpatica Myrina Does y e caballero Anthony Hijmering. Felicitacion ta bini di man y papa Does, mama y papa Hijmering na Hulanda, Piet y Olga Berkley, Theo y Lidia Evers, Henry, Edwin, Irene, Frank y Ingrid Does, tambe di rumannan Hijmering na Hulanda, tur sobrina y sobrnanan, familia y amigocan. Masha, masha pabien.

A cumpli 55 anja Senior Henry Does y ta ricibi felicitacion di su estimada esposa, estimada jiuinan Olga, Lydia, Henri, Edwin, Selma, Myrina, Irene, Frank y Ingrid Does, di Piet Berkley, Theo Evers, Anthony Hijmering, 5 nietanan, 3 nietonan y demas familia y conocionan.

Awe ta cumpli su 16 primavera e linda y encantadora seniorita Louisa Emely Hoek y ta ricibi felicitacion di su mania Emilia, padraso Rudolfo, rumannan Eddy, Kantijn, Nildo y Jeta, tambe di familia Marin na Venezuela, amigo y antiganan y especialmente di su omo Agapito.

Ta cumpli anja seniora Francisca Giel y ta ricibi felicitacion di su esposo Lino Giel, tres jiuinan Olifia, Felix, Majori, tata Beni, mama Chon, 11 rumannan: Carmen, Danisia, Sofia, Hulina, Hose Ignacio, Ines, Ani, Roland, Luli, Emeida, sobrinanan Rubino, Adelaida, Magda, Farro, Mildred Farro, especialmente di su ihanan Angelica Lamper, Manuel Farro, Pedro Lamper, Senofia Paesch, Stevan Paesch (tur su comer y compenian, especialmente di swanan, familia Giel y Farro).

Ta cumpli 28 anja Johana Orman y ta ricibi felicitacion di su tata Lenoso Orman, jui Hilda Orman, dos rumannan Ismael y Segundo Orman, amigocan Josela Wolf, Andrea, Anita y Candelaria, di Filomena y Aniseto, Soledad Orman, Lucita y especialmente di su tanta, omo, primo y prima, y familia Orman.

Johana Martinez ta cumpli anja y ta ricibi felicitacion di su esposo Lorenzo Martinez, jiuinan Telma Luidens, Filomena, Bebe, Judith, Rosendo y Ane, Miki, Raisa, Erica, Maria, Rita, Ascelito y demas familia Martinez, Stamper, mama Claudia Stamper.

Ta cumpli anja senior Andres Serrano Cruz na Puerto Rico y ta ricibi felicitaciones di seniorita Maria Dania y Norma Dania.

E hobencita Erna Filomena Maduro ta cumpli anja y ta ricibi felicitacion di su tata Crismo Maduro, mama Romana, rumannan Regina, Isaac, Irvin, Elvira Maduro, padushi Isaac Croes, Simon Maduro, madushi Ilsa Croes, tanta Petra Maria Geerman, pepe Margo Geerman, primnan Mario Croes, Felix, Maki Geerman, di Show, Alfonso y Luisa na orso, primnan Ely, Oida, Anselma, Enrika, Betty Croes na Hulanda.

Senjora Venasio Croes ta recorda su fecha natal y ta ricibi felicitacion di su estimada esposa Bertha Croes, especialmente di su jiuinan Carlos, Jorge, mama Seferina, rumannan, suegro Joaquin, suagra Bernadina, swanan, iha Antonio Maduro, Thomas Leon, tur su amigocan di Vitesse.

Ta cumpli 1 anja e 2 chikitanan Harriette Paesch y Violette Paesch. Felicitacion ta bini di nan mama Nenita Paesch, rumannan Hubert y Elvia, welonan Maximo Farro y Anna Maria, Cleto y Salome, tantanan, primo y primnan di Julian Geerman, Isclita Jones, muy especial di nan Madrinnanan Helena Tromp y Paulina Paesch.

E hobencita Juana Francisca Boekhoudt ta cumpli 11 anja y ta ricibi felicitacion di su mania Petra, rumannan Cornelise Aida, Hose, Rosa, Andres, Lidia, Mario, Violeta, wela Reinetta, tambe di su madrinanan Feleppina Reed, Betty Croes, padrino Hulo Jansen, tanta, y omonan, primo y primnan, tambe Zuster Anunziata, tur amiguita y amiguitonan y demas familia Boekhoudt y Werleman.

IRRITACION DI PIEL!

Stop di rasca bo mes. Ata e remedie suavizante aki.
Basta un haña y ACETE ESMERALDA MOON pure y penetrante aki, den tur botica, topi persona a hanja alivio di tormenlosa picazon, irritacion y otro enfermidadnan, causan externamente.
No solamente e ta alivia e picazon y irritacion, sino e ta curabo tambe.
E ACETE ESMERALDA!

Agenda

ARUBAANSE COURANT
diariamente cu excepcion di
diadomingo

Edita pa:
N.V. ARUBAANSE DRUKKERIJ- EN
UITGEVER- EN PUBLICITEITS MIJ.
Nassaustraat 65 - Oranjestad, Aruba N.A.

Suscripcion / 3- paga adelanta
Edicion suelta 20 ct.

Telefon: 1116 Directiva y anuncio
2116 Redaccion y suscripcion

Directeur-hoofdredacteur: O. J. Slaats

Imprimi na N.V. Drukkerij "De Stad"

WIT-GELE KRUIS

Oranjestad: BOTICA ODUER tel. 1750
San Nicolas: BOTICA CENTRAL tel. 5006
Zr. Ewalds - Zr. Perpetua tel. 2300

ROOMS-KATHOLIEKE KERKDIENTEN

ORANJESTAD: H. Franciscus Kerk:
5:00 a.m. 6:30 a.m. 7:30 a.m. (Kinderen)
8:30 a.m. 7:00 p.m.

SAN NICOLAS: H. Theresia Kerk:
5:00 a.m. 6:15 a.m. 7:30 a.m. (Kinderen)
8:30 a.m. 5:00 p.m.

STA CRUZ: Kerk v.d. Onbevleete
Ontvangenis: 5:00 a.m. 6:30 a.m.
7:30 a.m. (Kinderen) 8:30 a.m.

SAVANETA: Heilig Hart Kerk:
5:00 a.m. 7:15 a.m. (Kinderen)
9:00 a.m.

PARADERA: St. Filomena Kerk:
5:00 a.m. 7:00 a.m. (Kinderen)
8:30 a.m.

NOORD: Sta. Annakerk: 5:00 a.m.
7:00 a.m. 8:30 a.m. 6:00 p.m.

CURA CABI: Christus Koningkerk:
8:00 a.m. 6:00 p.m.

PAKOTA: 6:00 a.m. 8:00 a.m. 7:00 p.m.

PROTESTANTSE KERK- DIENSTEN

Oranjestad: 9:00 v.m. ds. Jakobs
Piedra Plata: 9:00 v.m. ds. Visser
San Nicolas: 5:30 a.m. ds. Visser
(Meth. kerk)



para
mantenerlo sonriente
Ud. Necesita KLIM
...la mejor leche!



VITAMINA D
AGREGADA
Use 4 partes de agua
para 1 parte de KLIM
1 parte de KLIM
mezclase y tendrá
leche pura y sana
KLIM la mejor leche

UN BRUID COMO OFERTA

pa TUYUCHI

No. 66

"Bo ta meen anto cu mi no mester
a bini aqui?" Theresia a puntra.
"Nada di esei", Justin a bisa dici-
dido. "Loque mi quier trata pa bo
comprende ta esaki: cu bo hinida in-
espera, masha cu qui intencionnan
no bte e tabata, la obligo nos awor na
atende e asunto cu nos a planea
semananan anterior cu mas rapidez".
Theresia a dal man tene su gargan-
ta. Y el a murmura: "Bo ta meen...?"
"Cu mi a tuma mi medidanan pa
tin matrimonio instantaneamente".
Justin a bisa. "Ma hanja un permiso

especial y e domi di e kerk di Hano-
ver Square ta spera nos".
Theresia a hula lamta. Tur color a
disparce for den su cara. Cu wowonan
anchu abri el a queda ta diha lord
Bolkan. Esaki tambe a lanta para a-
wor y el a tuma su man den esun di
dje.
"Mi ta tuma riba mi e honor asina
grandi di suplica ho na bira mi espo-
sa, Theresia", e lord a bisa na hoz
baho.

Un momentu e mucha muhe su
mannan a tembla, como si fuera e

quier a hala nan atras trobe. Su cu-
razon tabata bati cu violencia. Y e
tabata sinti su mes mucho brucha y
turdí, anto spanta cu e por a bisa un
pila di palabla. El a quita su cara
unbunda pa e stroha e lord di eira
su wowonan.

"Pues, Theresia?"
"Su hoz tabata suave, sin embargo
Theresia a sinti cu tabatin algu di im-
paciencia tambe den dje.

"Lo socede... manera ta ho de-
seo, mylord", Theresia a responde.
Theresia a sinti cu su man tabata
garra esun di dje mas duro y atrobe
e tabata consciente dje forza stranjo
cu tabata sali for e lord pa Theresia
y cu tabata oblighe na hiza su wora
mire. Pero inmediatamente e poria
a dal abri y unbez e lord a larga Theresia su man bai.

"Y e butler a anuncia:
"Sir Peter Burley, mylord!"
"Sir Peter, bisti na un manera cu ta
haci impresion, den un jas color ber-

de y di felpa, anto borda cu oro, a
camaña drenta e cuarto di hardin.

"Justin, mi amigo bon, mi ta spera
cu mi no a yega mucho laat", el a bi-
sa. "Pero mi eirar tabata masha flo-
ho awe mainta".

El a camina bai cerca Theresia y a
hiza esaki su man hiba na su lipnan.
"Bo servidior, freule Theresia".
"Mi ta contentu di mira bo, Peter".
Justin a bise; y dirigiendo su mes na
Theresia, Justin a continuá: "Sir Peter
tabata asina cariñoso di sirbi nos
testigu di casamentu".

Tabata como si fuera cu ta awor
numa Theresia tabata comprende bon
ta quico tabata pasando y cu tur cos
tabata prepara y organiza caba. Y
falta poco el a escapa un grilo.

Manera cu ta su turdimiento Justin a
comprende, el a bise:

"Aquí un paar di minuut mas, an-
to lo nos bai kerki".
Theresia a murmura algun palabla
incomprendible y a hui for e cuarto.
El a corre sobi e trapi y un ratu des-

pues el a bai cai riba cama di su dor-
mitorio. Theodora tabata doblando su
panjanan y a drecha cama caba tam-
be.

Nervioso Theresia tabata havi y jo-
ta paru y pasando su brazu rond di
Theodora su garganta el a bise:

"Theodora, mi ta bai casa! Awor
mes, Directamente. Oh..."

"Pa mi esei ta nobo di canoa. Mi
tabata sa esei for mainta tempran ca-
ba. Pasobra e eirar dje lord a bisa mi
cu esaki a sali for marduga grandi
p'e bai busca un permiso di matrimo-
nio".

"Anto ho tabata sa esei caba?" Theresia
a puntra e muhe. "Y ta paquico
ho no por a conta mi cada?"

"No, mi amor. Esei no ta mi tra-
bao di haci pasobra ta e bruiddegom
mester bisa su bruid cu e ta bai casa
cune. Pero en todo caso, freule, mi
ta asina contentu pa e. E marques cu
ho ta forma un parcha masha nechi.
E ta un hombre, cu ta bai bo amor.
E ta firi, servicial y cu caracter, ma-

nera tur hombre mester tabata... Mi
sa sigur cu lo e haci bo feliz...
Tempo cu nos a bai Mandrake mi no
por a mire cu mi bista, pero despues
mi a mira cu mi hucio tabata robet.
Su mama ta un colebra, pero e lord
mes ta un caballero. Lo e procura pa
bo manera nunca un hombre por a
cuida su muhe. Y ho n' tin nodi di
tin miedo di dje absolutamente".

"Miedo?"
Theresia a quita su cara. Ta com e
ta haci splica un hende, hasta Theodo-
ra mes, con e tabata stima e hombre
aqui? E tabata stima lord Bolkan de-
esperadamente y cu tabata un tor-
mento pa Theresia di tabata huntu cu
e lord y di mester a convence cu e
lord no tabata paga atencion mes n'e.

Y atrobe di nobo a aparece den su
espíritu e imagen di La Famme den
su belleza tormentoso su dilanti...

Theresia tabata hala rosea profun-
do. E unico cos cu e resta Theresia a-
wor tabata su orgullo pasobra su a-
mor el a entrega na e lord. En todo

caso lo e no larga e lord mira cu e
ta stima asina locamente, sino sola-
mente riba e dia cu e mira cu e lord
tambe a bini su curazon p'e. Loque
hamas lo e exigi di dje ta compasion,
pasobra anor pa compasion e no
por soporta. Dia cu e lord desea na
su amor, anto e mes lo mester busca
esei pasobra lo e no ofrece.

Mientras Theresia tabata mira su
cara den spiel, e tabata drecha su ti-
po.

Su cansacionan di ultimo dianan
no a larga nan rascu tras riba dje.
Quiza cu su wowonan por tabata al-
go mas cansa y su color un poco mas
bleck, pero ta net esei a aumenta a-
traccion di su aparicion.

Theodora a penja su cabi masha
huita y a pone un sombre blauw di
felpa masha huita riba su krunan
di oro. Y ora cu porfin Theodora a
caba di drecha su curpa, obligatoria-
mente Theodora a grita cu wowonan
jen di lagrima:

(E ta sigui)

CISCO KID

1. „Lo mi bringa! Mi no ta bay tira mi mes na suela manera un cobarde!”
2. „Ni unu tampoco.....”
3. Cu grito espantoso, e indaanan ta tira cantidad di flecha y bala riba e trein cu ta sigui core.....



JUAN EL INTREPIDO

1. „Quico e ta?” „Nan ta huyendo un hende den steel,.... zaki!”
2. „Juan..... ta mi..... Kala..... Bin! Tur cos ta regla pa bo sali for di Tibet!”
3. „Esey mester ta Yumi..... e traficante..... mi a bisa Kala cu bo tambe lo bay hunto cu nos, Bongo!”
„Danki, pero to mi sigui mi camina! Hasta nunca, Hazard.....”



DICK TRACY

1. „Aloha”.



RIP KIRBY

1. Mientras Ferret ta lucha cu su concencia..... to mi hibé? No..... mi a priminti sra. La Mere pa no hortal!”
2. „Bon..... to mi tezu su diario..... eh? Ta propiedad di Fortune Farraday.....”
3. „Warda mi..... mi ta bolbe mesora.” „Si..... masha bon..... lo mi ta warda.....”



EL PRECIO DEL TRIUNFO

1. „Paquico nan ta jama bo e „Gran Eddy Chapak?” „Esey ta di bo!”
Di tur modo, pasobra mi ta baha un fullback nacional.....
2. „Oh, hungador di futbol!” „Tende, mi ta contento di conoce un hende cu nunca a jega di tende di mi, y mi no ta impresionar e tanto!”
3. „Si e tratamiento aki ta bon pa bo.....” „Ta asina..... y ta listo pa otro? Si bo no ta ocupa awenochi, mi por bisa busca bo 8'or?”



EL DIARIO DE UNA VIDA

1. „Mi no sa con trata e caso aki, Julieta. Ademas, esaki un algo cu ta toca municipalidad mas.....”
2. „Bo por mira cu justicia ta multa fini aki..... lo nan pasa mi cabez den guillotina..... no?”
3. „E la quita cabez di un estatua!”



PEPITA


1. „Lo mi bolbe dentro di un ora..... mi ta bay mercado, querido.” „Bon.”
3. „Bo a lubida e lista cu bo tabatin mester.” „Semper mi ta lage na cas.....”
4. „pa mi mira si mi no a lubida nada ora mi bolbe.....”



13 di e 14 Dibutantenan di awe nochi



Alix Parry



Carmen Schmit



Maria Arends



Ruth Arends



Verna Beaulon



Ofelia R. Wever



Midge Oliver



Odette M. Wever



Maybelline Croes

Ata cara aki di 13 di e 14 slupatica senjoritas cu lo debut'a awe nochi den Aruba Tivoli Club. Pa nueb'or, esculta cada uno pa un gaitan, nan lo worde presenta na e socedad durante un baile di gaia. Esaki ta di dos anja sigui cu e club aki ta organisa un baile di debutantenan.



Astrid Oduber



Elfrida Oduber



Marilyn Berry



Luisa M. Urbaneja

Cu Rally di 3 den octavo Marlboro a gana Heinekens's 5 pa 4

(Di nos redactor deportivo)

E cigarilleronan di Marlboro diahuebs anochi a derota e novena cervecero di Heinekens cu anotacion di 5 pa 4, despues di tabata perdi te den e 8vo inning 3 pa 2. E rally cu Marlboro a produci den nan penultimo chens na bate a clinch e promer triunfo di nan na Lago Sport Park, cual por cierto ta un di e cinco weganan cu alavez ta valido p completa e campeonato di A.B.B.A.

Marlboro home team a habri e anotacion cu un rayita den e segundo inning. E carrera aki a worde anota

door di Sharpe, kende a embasa pa base por hola. roba segunda, bai tercera pa fielder's choice y anota riba error den e cuadro cervecero.

HERTER A CONDENA....

Continuacion di pag. 1

E representantenan di paisnan suramericano, cu a papia ajera, esta Ecuador, Peru, Bolivia, Haiti, Cuba, Nicaragua, Paraguay y Guatemala, tur a bisa cu mester tuma medida contra Santo Domingo.

Circulonan rond e delegacion mericano ta bisa cu Merca lo no mantene su proposicion. Algun observador ta bisa cu Herter su actitud ta un sorto di invitacion na e paisnan suramericano, pa acepta responsabilidad pa cuakier paso, cu nan tuma. Si e paisnan suramericano mester tuma ningun sancion economico, esey lo ta un cierto forma di sancion, cu solamente Merca ta capaz di aplica.

Algun delegacion suramericano kier forma un „comision di vigilancia”. Observadonan autoriza ta opina cu lo por tuma un medida di compromiso: e reunion lo aproba un resolucion, segun cual mester tuma sancion, cu kier nifica kibramentu completo di relacionnan diplomatico y kibramentu parcial di relacionnan economico, basta cu esakinan no perjudica pueblo dominicano. Un tal resolucion lo worde acompaña pa formacion di un comision di Organizacion di Estadonan Mericano, cu mester mira pa e medidanan worde aplica en realidad. E varios delegacionnan lo discuti e solucion di compromiso aki, durante reunionnan priva.

Den e quinto e cigarilleronan ta aumenta na ventaha te na 2-0 cu anotacion di van der Biezen.

Pietheer Lionel Wilson di Marlboro ta tene e cigarilleronan cervecero na cero te na e sexto inning. Cu nan sexto oportunidad na bate e cerveceronan ta logra crusa home tres biaha pa bai ariba 3 pa 2. Tucker a habri e inning embasando pa error di tercera base y a worde cambia pa corredor Escalona.

Esaki, Simeon Bryan y Hudson John ta anota e tres carreranan door di tubey di Bryan, base por hola pa John, singles consecutivo di Harry Bijden y di Enrique Vorst.

E rally cu ta cambia destino di e weg a worde traha den inning number ocho door di Marlboro. Feki Caster y Papin Wilson a habri e inning cu hit contra di pitcher Duinker, kende a releva pa Tucker e inning promer. Pantophlet ta promer out cu roller, pa tercera, pero Luisito Ogen'o ta sigui cu tubey empunando dos carrera. Ogenio mes ta anota luego ariba un hit di Amaya, cual por cierto tabata e hit di oro.

Heinekens ta anota un carrera mas den su ultimo oportunidad na bate, pero di ey nan no a pasa y asina e partido a caba den un triunfo pa Marlboro cu anotacion di 5 pa 4.

Ro Agumero cu a releva Wilson den e sexto episodio a resulta pitcher ganador, poniendo su record pa e campeonato di A.B.B.A. na 2 gana y 2 perdi.

Pitcheer perdedor a resulta Gerald Duinker, kende tin un record awor di 2 gana y 1 perdi.

Marlboro a conecta un total di 6 hits, come 8 ponche y ricibi 5 base por bolas.

Heinekens tabata tin 8 hit conecta, 3 ponche comi y a hanja 2 base por bola regala. Un publico hopi grandi tabata testigo di e interesantissimo wega aki.

Itch Germs Killed in 7 Minutes

Your skin has nearly 50 million tiny seams and pores where germs hide and cause terrible itching, Cracking, Eczema, Peeling, Burning, Acne, Ringworm, Psoriasis, Blackheads, Pimples, Foot Itch and other blemishes. Ordinary treatments give only temporary relief because they do not kill the germ cause. The new discovery, Nixoderm, kills the germs in 7 minutes and is guaranteed to give you a soft, clear, attractive, smooth skin in one week, or money back on return of empty package. Get guaranteed Nixoderm from your chemist today and remove the real cause of skin trouble.

STROOMONDERBREKING

In verband met noodzakelijke werkzaamheden aan ons net zal de stroomvoorziening onderbroken worden op zondag 21 augustus 1960 van 7 uur tot 12 uur in de omgeving van:

IRENESTRAAT
SWEELINKSTRAAT „WEST”
BEATRIXSTRAAT
MARIA CHRISTINASTRAAT
BRAHMSTRAAT
MOZARTSTRAAT

N.V. Electriciteit-Maatschappij „Aruba”